



**RINGKAS...** blaus daripada fabrik sifon dikemasi renda di leher.



**FEMININ...** kaftan sarat motif bunga menjalar berpotongan ringkas.



**CORAK PENUH...** bunga dan daun memenuhi gaun paras lutut.



**ALA GAUN...** blaus coklat menggunakan kombinasi sifon dan satin.

# Mudah gaya

## Koleksi Le Tresor Galleria bawa ciri nusantara

>>Oleh **NORAINON OTHMAN**  
norainon@hmetro.com.my

**C**IRI masyarakat nusantara seperti sulaman, renda, manik dan labuci dan renda benang kait ditampikan dalam koleksi Le Tresor Galleria yang berkonsep casual dan mudah disuai padan.

Pakaian casual mudah digayakan sama ada ke pejabat,

bersiar-siar atau ke majlis keiraian. Dengan potongan ringkas, pakaian siap seperti blaus, kaftan, gaun dan skirt ini hadir sama ada dalam warna polos, dihiasi sulaman atau bermotif bunga penuh.

Walaupun diimport dari luar negara, himpunan di Le Tresor Galleria yang terletak di pusat beli-belah Lot 10, Bukit Bintang, ini dijual de-

ngan harga berpatutan.

Fabrik pilihan bagi koleksi ini ialah kapas, likra, sifon dan crepe manakala elemen lain menghiasi himpunan Le Tresor ialah sulam pangkah, reben dan ropol.

Variasi fesyen yang ditampilkan adalah bagi memenuhi cita rasa masyarakat berbilang kaum di negara ini serta tarikan kepada pelancong luar.



**KEMAS...** blaus bermotif flora dihiasi 'piping' sesuai dipakai dengan jeans atau celana.



**KELAINAN...** gaun warna samar menampilkan sulam kerawang.



**WARNA TERANG...** blaus kuning, renda benang kait dan sulaman

**BIRU...** gaun bersulam motif bunga menjalar berpotongan ringkas.